

15.

Læta te muris recipit Königsberg,
Præbet & tutum lociis azylium,
Jamque concursu procerum refulgens
Aula coruscat.

16.

At foris urgent, patriamque vastant
Hostis & Civis, duplicique trita
Marte languescit, gemebunda cœci
Victima belli.

17.

Intus assurgit, sed amor ruentis
Patriæ, Regnum generosus ultro
Abdicas, genti placidæ daturus
Gaudia pacis.

18.

Pulchrior cedens folio resurgis,
Altior toto micat orbe virtus,
Major & spreto diuturna fulget
Gloria Regno.

19.

Jura sed fidæ positurus oræ,
Prisca neu sternas, nova temulentis
Grata sunt unis, sit amœna rectis
Prisca vetustas.

20.

Jam diu faustos sine Marte soles
Duximus, Rostris Themis imperabat,
Artibus Pallas, erat & camœnis
Præses Apollo.

21.

Nolla furtivis violata stupris
Tecta lugebant, scelus omne leges
Molque plectebant, sua quisque stabant
Præmia factis.